

兵部卷之二

典章三十五

軍器

斷例 三七 五十七 七十七 九十七 處死

私有全

副者

甲 零散甲 片不堪 穿吊御 敵者笞

不成副 決杖 徒一年

隱

槍或

不堪使

四件以

五件以

私有十

力弩

用杖

下杖 徒二年

上杖 徒四年

件者

藏

弓箭

不成杖

四副以下 杖徒二年

五副以上 杖徒三年

私有十

拘收

若軍器含徒 藏軍器 人招取 白招取 完備自結 起解申部 日爲始權 本處無錄 應當處官 修理城墮 雇待報下 遣通理月 役滿疎放 日決

達魯花赤提調軍器庫至元二十二年九月樞密院准中書省札付至元二十二年五月十五日奏過事內一件蠻子田地裏拘收到底弓箭軍器什物有行院行省行臺的城子裏底只交他每就便分揀了中使底弓箭呵兒蒙古探馬赤每根底與者但中底兵器什物漢兒蠻子官人每根底休交管行院行臺官人每就便提調管者交蒙古軍人每看守者漢兒蠻子軍人每根底不交看守呵怎生麼道行省行院行臺的路分裏達魯花赤畏吾兒回回色日官人每依例提調管者交蒙古軍每看守者漢兒蠻子官人每根底休教管者不中使不中用底交毀了呵怎生麼道奏呵哈兒弓箭每根底交與探馬赤每呵不中漢兒蠻子官人每休交管者弓根底恐怕壞了麼道呵蒙古軍每根底與者各路裏蒙古軍官每也有者那底每就便納入庫

裏提調者沒蒙古軍官城子裏交達魯花赤畏吾兒回回色日官人收拾入庫裏提調者麼道聖旨了也欽此

拘收弓手軍器至元二十三年三月江西行省據江州路申見設巡捕弓手別無軍器照得腹裏弓兵俱有置備器仗江南與中原地里不同崇山峻嶺盜賊俱各執把軍器劫掠人財殺傷人命弓手不敢置備器仗止是坐視而已無由捉獲乞照詳事照得至元二十一年十一月據龍興路所申盜賊事理本省與按察司講究各處盜賊生發蓋因見設巡捕弓手別無執把軍器巡警致令如此檢會到欽奉聖旨條畫內一款節交川縣城子相離寫遠去處其間五七十里所有村店及二十户以上者設置巡防弓手合用器仗必須足備欽此已經施行去訖今准江淮行省咨本省平章政事說十月初六日欽奉聖旨楊總攝奏將來

有南人每執把著軍器行有奉聖旨問火魯火孫丞相你
在前禁約著來麼俺在前行來奉聖旨你到那裏好生的
嚴切禁約者欽此咨請除軍人合贖軍器令本官軍官營
局造作與軍人行使毋令街下諸人私造私賣執把行使
事准此本省參詳若將前省官行下各路弓手置備器仗
拘收其弓手俱係新附之人過有盜賊若無執把軍器且
恐不能捉捕議得新附弓手若有已前置到器仗責令各
處簿尉巡檢盡數拘收置庫收貯遇有盜賊生發斟配緩
急逐旋關撥追捕事畢却行還庫仍令本處達魯花赤提
調施行

弓箭庫裏頓放尚書省咨至元二十七年五月二十四日奏
過事內一件江西行省官人每與將文書來吉贛等處地
面湖南廣東福建這地面相連著有每年草賊生發呵出

備軍器聚集弓手人每收捕來年時江南地面漢兒南人
休把弓手禁斷時分這裏的弓手拘收了來如今依著漢
兒城子裏與了的體例裏與的說將來有俺商量的在先
中書省官人每奏一個路裏十副弓箭散府裏州裏七副
弓箭縣裏五副弓箭教把呵怎生麼道奏呵是也那般者
麼道聖旨了來如今依著那體例路裏十副散府州裏七
副縣裏五副教執把城子裏達魯花赤達達畏吾兒回回
人每教人者若收捕賊的勾當有呵巡軍根底教執把弓
箭無勾當時拘收庫裏放著呵怎生麼道奏呵那般者好
人根底委付者麼道聖旨了也欽此

禁斷軍器弓箭至元十六年御史札付奉中書省札付欽奉
聖旨內一欸節該閣里帖木兒說有民戶每莊家每在先
休教拿弓箭者道來如今帶著弓箭射兒子野雞行有說

說做賊因此生麼道說有俺與省家官人每一同商議的漢兒人裏頭拿著弓箭的嚴行治罪的文書行麼道商量來除側近有的武衛軍外另細漢軍每出軍把軍器者回來將軍器每置庫納者奧魯裏來有的軍器休教拿怎生奏呵奉聖旨那般者欽此仰欽依施行又奉中書省札付樞密院呈與都省商量定本院官奏如今各路打捕戶每問將來俺弓箭合把那不合把如今明白與文字交依中統四年行來時聖旨達達畏吾兒回回幹脫達魯花赤打捕的巡馬司手監弓手每交把弓箭呵怎生奉聖旨依著先聖旨行文書交把弓箭者欽此

拘收古朶刀子至元二十三年四月湖廣行省准中書省咨准哈喇赤阿刺八赤蒙古文字譯該漢兒民戶根底帖尺古朶又帶刀子挂捧尋出來了麼道交覷呵安童根底說

了交行文書疾忙拘收者麼道聖旨了也欽此

禁遞錯鐵尺手鎗

至元二十四年中書省咨近據御史臺呈

河南河北道按察司照得近承奉中書省札付欽奉聖旨
節該巡軍弓箭休拿者悶棍拿者又准南京等路宣慰司
牒備准中書省札付該欽奉聖旨節該漢兒民戶每根底
鐵尺古朶又帶刀子柱棒交行文書疾忙拘收者欽此切
見隨路設立急遞鋪兵俱有元置手鎗四條合無依例拘
收送刑部議得急遞鋪兵鐵尺手鎗既係漢兒人氏擬合
拘收都省准呈咨請合屬拘收施行准此照得先准中書
省咨欽奉聖旨節該除軍人外管民官管漢兒蠻子官人
每休執把軍器拘收分揀令蒙古軍官每就便納入庫裏
提調者沒蒙古軍官城子裏達魯花赤畏吾兒回回色日
官人每收拾入庫裏提調者麼道聖旨了也欽此

禁買賣人軍器皇帝聖旨汴梁湖廣行中書省行御史臺宣
慰司廉訪司軍官每市舶司官人每根底城子裏達魯花
赤官人根底但是海島裏有的各處外國裏做買賣去的
幹脫每根裏做買賣每根底眾百姓根底宣諭的聖旨眾
官人每幹脫每做買賣的每做自己的面皮待交買賣行
海裏入去的時從這裏馬匹弓箭每箭幹竹子等別軍器
也限將去到那壁呵變換了眾隻將著做上位使將來麼
道那裏忻都每的頭目每根底說謊與有今後除咱每賜
與將去的之外說謊與自己的財物役這裏馬匹軍器不
揀誰休將去者用別財物買要了象隻那壁忻都每根底
休將去者道了這般宣諭了呵海裏馬匹象隻不揀甚麼
軍器將去的人他的財物要了罪過斷沒者聖旨俺的鼠
兒年七月十二日上都有時分寫來

拘禁僧人弓箭大德三年十一月行中書省札付准中書省
咨准河北河南等處行中書省咨據襄陽路總管府備房
州房陵縣申弓手節級讎再立狀呈有僧正司官任速前
來本州普濟寺要下賫斧環刀一口弓箭一把紅油鎗一
條照得軍器累蒙上司禁斷今有僧人係是出家善人別
無把執軍器體例縣司若便追取却緣本僧係房州僧正
移文僧正司取發回牒該會驗上司條畫內一款漢兒人
若有隱藏軍器懸帶弓箭即便赴官送納仍禁圍獵等事
照得本州僧正官係河西色目人數未審貴州奉到是何
上司文字追取色目僧官弓箭體例難便施行准此照得
僧人任速雖是河西人氏剃度出家又爲房州僧官率眾
告天祝延聖壽慈悲忍辱清淨之家別無執把弓箭體例
行移不計次數不肯依例拘禁本省看詳剃髮僧人修祝

爲善執把弓箭環刀軍器若不拘禁慮恐因而別生事端
咨請定奪送刑部議得河西僧人執把弓箭鎗刀如准行
省所擬拘禁相應都省准擬請依上拘禁施行

禁治弓箭彈弓至大元年行臺准御史臺咨奉中書省札付
大德十一年十二月初四日傳奉聖旨漢兒人每拿弓箭
的多有甚麼道說有如今依在先聖旨體例弓箭彈弓休
拿者省諭多人教行文書者麼道傳聖旨來欽此照得至
元二十年正月准中書省奏除弓人外別個漢兒人每弓
箭軍器不交執把拘收呵怎生奏呵奉聖旨伯顏的言語
是有在先已言語了來行了來那不會如今省官每根底
說者那般行者欽此又於大德四年初四日傳奉聖旨大
都裏舊城裏有的百姓每不揀是誰休造彈弓者也休拿
彈弓者這般宣諭了造彈弓的拿彈弓的打七十七八十

七斷沒一半家私者聖旨了也欽此

禁斷軍器至大三年三月江西行省准尚書省咨至大二年十一月十二日奏在先有姓的漢兒蠻子每弓箭軍器休交拿者麼道世祖皇帝行了聖旨有來近年以來爺的替頭裏孩兒哥哥替頭裏兄弟投充校尉倉裏關請來麼道因著那般執把弓箭的多有又衙門裏行著關要來的又將著諸王駙馬並官人每的文字執把弓箭環刀軍器行的多有如今依著世祖皇帝行來的聖旨體例各處行與文字但是有姓的漢兒蠻子人每根底有的弓箭軍器交拘收在後若有執把的拿住呵依在先聖旨體例斷罪又武備院裏行與文字今後推稱各衙門勾當裏行來麼道索要的漢兒蠻子人每根底休交與呵怎生奏呵奉聖旨是有那般者欽此都省咨請欽依施行

拘收新附軍人軍器皇慶二年七月江西行省准樞密院咨
皇慶元年十一月二十七日本院官奏點軍官禮忽兒臺
副樞題說的事內一件新附軍官軍人有衣甲鎗刀弓箭
的有如今交他每軍官將軍器其餘新附軍人每軍器都
拘收了本萬戶府裏封放著調遣時節交他每執把呵怎
生奏呵奉聖旨那般者欽此咨請欽依拘收施行

許把

按司懸帶弓箭至元八年御史臺據各道按察司申書吏奏差人等告稱遇差出巡按乞許令懸帶箭事爲此呈奉到中書省札付於三月初九日聞奏過奉聖旨教懸帶去者欽此憲臺公議得各道司官除已懸帶外今據每道弓箭六副如遇書史書吏奏差人等公出許令懸帶除外仰依數懸帶施行無得有餘增置亦不得因而中間夾帶別致違錯

監察廉訪司依先例懸帶弓箭御史臺咨至大三年七月二十九日奏過事內一件在先塔察兒月兒魯那延臺裏行時分禁約漢兒人休拿弓箭軍器上頭世祖皇帝根底奏呵按察司官人每是拿說謊做賊的人每有一個兩個出

去體察勾當行呵弓箭交拿者麼道兩遍聖旨有來如今尚書省官人每奏了但是百姓的漢兒蠻子弓箭軍器禁了者拿的人每在先體例要罪過者麼道行了文書有俺商量來監察廉訪司官人每是拿做賊說謊的衙門有歹人每不愛的多有也者體察勾當行時分不交拿弓箭不中的一般可憐見呵依先聖旨體例交拿弓箭呵怎生奏呵奉聖旨那般者欽此本臺咨請欽依施行

江南官員計把軍至元八年八月中書省准行省咨據左右司呈該省官以下官員應係江南所在去處實爲寫遠又係剋新收附地面若不許帶弓箭軍器切恐疎失乞定奪事都省送刑部議得新收殘宋州城難同腹裏地面如准行省所擬許令將帶軍器相應都省聞奏蠻子田地裏做官去的人每斟量交把軍器行呵怎生奉聖旨那般者欽

此

軍人交替許帶弓箭至元十二年五月中書省判送樞密院呈據大名路諸軍奧魯總管有先奉兵刑部符文承奉中書省札付如遇軍前差遣或還家軍人各處管軍官出給懸帶弓箭器仗印押文憑若在家軍人前來軍前交替據合帶弓箭器仗亦合管民官依上出給文引明白憑驗即係未立奧魯之前所承事理看詳諸軍奧魯即係親臨軍戶遇有軍人前去軍前交替軍役或律送盤纏令各處奧魯出給許帶弓箭軍器文引易爲照勘乞明降事本院議得目今設立奧魯官即係親管官司擬合依准所申行下各路諸奧魯總管府並合屬照會施行批奉都堂鈞旨送兵刑部依上照會施行

巡捕懸帶弓箭見刑房巡捕例探馬赤軍給引懸帶弓箭至

元二十一年正月中書刑部奉中書省札御史臺呈河北河南道按察司申河南等路探馬赤軍人內執把弓箭之人多係漢兒人今後凡帶弓箭執把軍器之人出給執照易爲盤問等事本臺參詳除蒙古探馬赤軍人外上司許令懸帶弓箭詣本管上司告給執照懸帶及行移河南等路宣慰司嚴切禁約漢軍人等不許懸帶弓箭軍器相應呈奉中書省判送仰本部行移宣慰司禁約施行

打捕戶許把弓箭至元六年十二月中書省欽奉聖旨隨路打捕御膳野物除正打捕戶執把弓箭外其餘人等並行禁斷欽此

開元路打捕不禁弓箭至元七年六月尚書省准中書省咨據右三部呈准開元等路宣撫司開元路申中統三年欽奉聖旨禁斷弓箭此時有抄海口傳聖旨遼東女直打捕

戶弓箭休禁者欽此今奉札付准部關奉省札奏准聖旨
禁斷軍器事理却緣照得本路所轄俱係諸王投下女直
打捕人戶每年春種些小油麻並無營運從秋至冬執把
弓箭打捕水獺貂鼠青鼠等皮貨如逢虎豹射捕得到皮
貨折納包銀衣匹如無器械野獸定傷人命若將弓箭禁
斷百姓別無出產乞照依海口傳聖旨施行事都省參詳
開元路人戶別無出產爲藉打捕到皮貨折納差發難同
別路一體禁斷弓箭咨請行下本路照依抄海口傳奉聖
旨事意施行